



Publicaziuns dalla vischnaunca, jamna 01

Damonda da baghegiar

2022-1076.000

Datum dalla publicaziun: 6 da schaner 2023

Il patron: Andreas Stefan e Birgit Herbster, Bielstrasse 37, 4104 Oberwil BL
Il representant: Andreas Stefan Herbster, Bielstrasse 37, 4104 Oberwil BL
Intenziun: Enggrondaziun dalla surfatscha da habitar en la stalla existenza Edifeci nr. 351/351-A
Parcella: 23
Adressa: Via Peisel 2, 7186 Segnas
Zona: Zona dil vitg (V)
Plan general – Areal da habitadis protegi generalmein (LPTGR 43,74)
da formaziun – Ulteriurs baghetgs cun prescripziuns da protecziun (LB 45)
Zona da prighel: Negina zona da prighel

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 6 da schaner 2023

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun vGrischun OPT vegniu annunziau ils suandonts projects:

Nr. 2022-1074.000

Felici ed Annamarie Schuoler, Via Sorts 2, 7180 Disentis/Mustér; niev cundrez fotovoltaic sin tetg, parcella 1694, Via Sorts 2, 7180 Disentis/Mustér.

Nr. 2022-2104.000

STWEG Parcella 1441, Casa Flepp, Martin Flepp, Via Clavaniev 3, 7180 Disentis/Mustér; remplazzament da duas finiastras e construcziun d'in esch, parcella 1441, Via Clavaniev 3, 7180 Disentis/Mustér.

Nr. 2022-2105.000

Euronet Services Schweiz GmbH, Dufourstrasse 56, 8034 Zürich; Plazzar in bancomat cun fundament da betun, parcella 500, Via Acletta 2, 7180 Disentis/Mustér.

Disentis/Mustér, ils 6 da schaner 2023

Uffeci da baghegiar Disentis/Mustér

Clom d'urgenza 118

Preziadas vischinas, prezias vischins S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da personas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!

Vos Pumpiers Sursassiala Vos Pumpiers Sursassiala



Cantar dils Retgs 2023

Il sogns Retgs e las songas Reginas dalla tschunavla e sisavla classa da Mustér semettan era uonn sin via per visitar ils habitonts dalla vischnaunca. Els/ellas speran d'astgar legrar e delectar biars cun lur viseta e cant. Lur tur entscheivan els/ellas mintgamai allas 15.00. Ina gronda part dil recav va en favur dalla acziun Tischlein deck dich dalla fundaziun Tür auf – mo vinavon a Mustér.

Gievgia, ils 5 da schaner 2023

gruppa 1: Carcarola, Davos-Mustér, Via Sursilvana, Suls Orts, Via Cavardiras gruppa 2: S. Gions, Catins, Raveras, Giudem Cons gruppa 3: Via Dulezi, Via Pervenda, Cuppa, Funs-Dadò

Venderdis, ils 6 da schaner 2023

gruppa 1: Cavardiras, Pardomat, Madernal, Faltscharidas, Sontget
gruppa 2: Mompé-Tujetsch, Via Denterpraus, Buretsch, Cuoz, Sax, Acla da Fontauna
gruppa 3: Mompé-Medel, Acletta, Funs
ca. 18.30 cantar el vitget dalla REKA

Sonda, ils 7 da schaner 2023

gruppa 1: Disla, Chischliun, Scaletta
gruppa 2: Peisel, Segnas
gruppa 3: Clavaniev, Caschuarz, Latis, Cons-su
19.00 cantar duront messa en baselgia a Segnas
naven dallas 20.00 cantar en las ustrias

Dumengia, ils 8 da schaner 2023

11.00 cantar duront messa a Mompé-Medel
ca. 15.00 viseta e cantar ella casa Puntreis
gruppa 1: Via da Scola
gruppa 2: Gonda, Via Sontga Gada
gruppa 3: Cons-sut, Via da Scola
17.00 devoziun en baselgia s. Gions e cantar
18.30 cantar duront messa en baselgia da Nossadunna

Biblioteca populara Disentis/Mustér

La biblioteca envida ad ina sera cun Flavio Huonder

Il redactor ed archivar tier RTR presenta dalla plattaforma nossaistorigia.ch fotografias e films da Mustér e contuorn.

Cu? **Mesjamna, ils 18 da schaner 2023**, allas 19.30

Nua? En la Biblioteca populara Disentis/Mustér e contuorn.

Suenter la presentaziun offerin nus in pign apero.

Entrada libra. Nus selegrein sin vus!

Il team dalla biblioteca
